

**UNIVERZITET U TUZLI**

**P R A V I L N I K**  
**O IZMJENAMA I DOPUNAMA PRAVILNIKA O PLAĆAMA, NAKNADAMA I**  
**DRUGIM PRIMANJIMA ZAPOSLENIKA NA UNIVERZITETU U TUZLI**  
**(Prečišćeni tekst)**

**Tuzla, maj 2019.godine**

Na osnovu člana 50. stav (1) tačka n) Zakona o visokom obrazovanju ("Službene novine Tuzlanskog kantona", broj: 7/16, 10/16, 5/17 i 15/17), i člana 50. stav (1) tačka m) Statuta JU Univerzitet u Tuzli na prijedlog Rektora, uz pribavljenu prethodnu saglasnost Vlade Tuzlanskog kantona broj: 02/1-14-9835-2/19 od 09.05.2019. godine, Upravni odbor Univerziteta u Tuzli na sjednici održanoj 14.05.2019. godine donio je

**P R A V I L N I K**  
**O IZMJENAMA I DOPUNAMA PRAVILNIKA O PLAĆAMA, NAKNADAMA I DRUGIM**  
**PRIMANJIMA ZAPOSLENIKA NA UNIVERZITETU U TUZLI**  
**(Prečišćeni tekst)**

Član 1.

U Pravilniku o plaćama, naknadama i drugim primanjima zaposlenika na Univerzitetu u Tuzli (Prečišćeni tekst) broj: 04-5380-2/18 od 04.10.2018. godine i broj: 04-1804-1/9 od 05.04.2019. godine u članu 4. stav (2) mijenja se i glasi:

"(2) Prema složenosti i značaju poslova pojedinog radnog mjesta, odgovornostima i posebnim ovlaštenjima u obavljanju tih poslova, zaposlenicima se utvrđuje položajni dodatak u visini kako slijedi:

- Rektor ..... do 20 %
- Prorektor..... do 15%
- Dekan, generalni sekretar i direktor Studentskog centra ..... do 10 %
- prodekan, voditelji univerzitetskih Centara/Ureda,  
imenovani voditelji drugog/trećeg ciklusa studija .....do 5 % .".

Član 2.

U članu 4. stav (3) mijenja se i glasi:

"(3) U slučaju da neto plaća Rektora, utvrđena primjenom koeficijenta za obračun njegove plaće iz stava 1. tačka 1. ovog člana i položajnog dodatka iz stava 2. ovog člana, prelazi iznos neto plaće bez minulog rada utvrđene Zakonom o plaćama i naknadama izabраних dužnosnika, nosilaca izvršnih funkcija i savjetnika u organima zakonodavne i izvršne vlasti Tuzlanskog kantona ("Službene novine Tuzlanskog kantona", br:11/15 i 4/17) ista se obračunava u iznosu koji ne može preći iznos neto plaće bez minulog rada premijera Vlade Tuzlanskog kantona. Koeficijent za obračun plaća ostalih rukovodećih zaposlenika, sa pripadajućim položajnim dodatkom, u periodu od 01.11.2015. godine do 31.12.2018. godine, ne može biti veći od koeficijenta ministra u Vladi TK".

Član 3.

U članu 14. iza tačke h) dodaje se nova tačka i) koja glasi:

„i) Pod punom plaćom iz tačke h) ovog člana podrazumijeva se plaća u visini plaće ostvarene za minimalno sedmično opterećenje nastavnika, odnosno saradnika, a za vannastavno osoblje u visini neto plaće, koju je zaposlenik ostvario u mjesecu koji je prethodio mjesecu u kojem je počeo koristiti porodijsko odsustvo.“

Dosadašnje tačke i) do m) postaju tačke j) do n).

Član 4.

Iza člana 21. dodaje se se novi član 21a koji glasi:

„ Član 21-a

Tumačenje odredaba ovog Pravilnika daje Upravni odbor Univerziteta“.

Član 5.

Ovaj Pravilnik stupa na snagu danom donošenja, s tim da se odredba člana 1. ovog Pravilnika primjenjuje počev od 01.01.2019. godine, a odredba člana 2. ovog Pravilnika počev od 01.11.2015. godine.

**UNIVERZITET U TUZLI**  
**Broj: 04-2472-2 /19**  
**Tuzla, 14.05.2019. godine**

**PREDSJEDNIK**  
**UPRAVNOG ODBORA**

**Amir Šabačkić, dipl.ing.**